

գործմանը, Մինչդեռ Հայոց մէջ եղել է մի ժամանակ, և այն ժ.է. դարում և յետոյ, երբ վարդապետներն ուզեցել են հասկանալ, թէ Ս. Էջմիածնում գտնուող աջը Ս. Լուսաւորչի ո՞ր ձեռքն է՝ ա՞ջ թէ ձախ, կամ թէ ո՞րն է իսկականը՝ Սսի ա՞ջը թէ Էջմիածնի: Այս հարցերից երևում է, որ Սիս ևս մի աջ կայ եղել: Բայց Առ. Գաւրիժեցին, հանգամանօրէն յառաջ բերելով զանազան յիշատակարաններ բացատրում է, որ Ս. Լուսաւորչի աջ բազուկը գտնուում էր Ստում, 1439 թուին այնտեղից գողացել են, յետոյ 1441 թուին զարմանալի կերպով նոյն աջն յայտնուել է Ս. Էջմիածնում և մնացել է այնտեղ ընդ միշտ: \* Գրիգոր ժ. Մակուեցին, որ Կիրակոս վիրապետու փոխանակ կաթուղիկոս ձեռնադրուեցաւ 1443 թուին, իւր մի կոնդակի մէջ որ 1445 թուին տուել է Մշու վիճակի ժողովրդին, բազմաթիւ մասունքների և Ս. Նշանների շարքում յիշում է Ս. Լուսաւորչի աջը, որով եպիսկոպոս է օրհնել Ս. Կարապետի վանքի առաջնորդին, 1460 թուին Աղթամարայ Զաքարիա կաթուղիկոսը, բռնաւոր Զահանշահի սիրելին, նորանից իրաւունք ստացաւ Ս. Էջմիածնի կաթուղիկոսութիւնն ստանձնելու. յիշատակարաններն ասում են, որ Զաքարիա պատուական ընծաներով զնաց

\* Առ. Դաւր. Լ.